



DBKL terus tingkatkan keselesaan dan keselamatan warga ibu kota dengan pemasangan CCTV AI.

(Foto FB DBKL)

5,000 CCTV teknologi AI dipasang sekitar KL

Kuala Lumpur: Dewan Bandaraya Kuala Lumpur (DBKL) terus meningkatkan keselesaan dan keselamatan warga ibu kota, termasuk amaran banjir dengan pemasangan 5,000 kamera litar tertutup (CCTV) yang dilengkapi teknologi pintar kecerdasan buatan (AI).

DBKL memaklumkan CCTV itu membantu pihaknya mengurus trafik dengan lebih sistematik, mengurangkan jenayah melalui

pemantauan kawasan panas.

“Dengan teknologi AI pintar CCTV itu akan membantu mengenal pasti kesalahan lalu lintas, iklan haram, amaran banjir serta aktiviti mencurigakan.

“CCTV Kuala Lumpur City Command Centre (KL-CCC) mempunyai keupayaan rakaman sepanjang masa atau 24 jam tujuh hari seminggu (24/7) dengan simpanan data sehingga 45 hari, pandangan 360 darjah dengan jarak 200 meter dan

sambungan fiber optik untuk imej berkualiti tinggi.

“Ia dipasang di jalan raya, kawasan jenayah, taman awam, River of Life dan pasar sekitar bandaraya Kuala Lumpur,” katanya dalam kenyataan di Facebook, semalam.

Sehubungan itu, katanya, Kuala Lumpur sentiasa diperhatikan demi kesejahteraan semua.

“Bersama, kita menjadikan KL lebih teratur dan selamat,” katanya.